

NOORHAYATI gembira dengan perubahan positif Jesse (kanan).



Aniza Zainudin
anizazainudin@hmetro.com.my

S edaya upaya tangan kecil Nurjessenia Ahmad Masri, 7, cuba menekup mulut ibunya supaya berhenti menceritakan perihal keletah nakalnya kepada penulis.

Pada masa sama, mulutnya petah berkata "Tak baik," berulang kali sekali gus mengingatkan ibu, Noorhayati Mohd Ahsin agar menyimpan rahsia dirinya daripada pengetahuan orang lair.

Senyuman diiringi air mata kegembiraan pada wajah membuktikan ibu tunggal ini terharu dengan tingkah laku si anak yang jauh lebih positif berbanding dahulu.

"Dahulu, hampir lima kali sehari Jesse (panggilan Nurjessenia) mengamuk, selalunya abang dan kakaknya menjadi mangsa. Mulanya, saya pelik dengan kelakuannya yang agresif malah dia sukar mendengar kata.

"Disahkan kanak-kanak autistik ketika berusia lima tahun oleh doktor di Pusat Perubatan Universiti Kebangsaan Malaysia (PPUKM), hampir setahun saya mencari penyelesaian untuk membantu Jesse termasuk pengambilan ubatan tertentu.

"Kemudian, doktor PPUKM mendaftarkan nama Jesse di Pusat Permata Kurnia yang saya tidak pernah tahu mengenai kewujudannya, pada November 2015.

"Sejak itu, Jesse bersekolah di sini dan setiap hari sekolah, saya dan tiga lagi ibu berkongsi kereta (car pool) secara bergilir-gilir untuk menghantar anak

ke Pusat Permata Kurnia dari Puchong ke Sentul," katanya yang ditemui pada Majlis Graduasi dan Konsert Permata Kurnia kali pertama 2016.

Menzahirkan rasa syukur atas perkembangan positif Jesse sepanjang di Pusat Permata Kurnia, wanita berusia 40 tahun ini mengakui anak bongusnya itu menunjukkan keseronokan untuk belajar malah tingkah lakunya sudah berubah.

Lebih membanggakan, anak yang dahulu sukar mendengar arahan dan mengenal abjad kini mampu mengeja dan menulis namanya dengan betul.

Bagi pasangan suami isteri, Nik Mohd Zaidi Nik Zulkifli dan Faranita Ghafar, kebolehan anak mereka membaca buku, surat khabar mahupun sarikata di kaca televisyen disifatkan hadiah terindah.

Jika dulu Nik Umar, 6, kerap mengasingkan diri, kini anak sulung dua beradik ini sudah bijak menyesuaikan diri dengan rakan sebaya malah saudara terdekat.

"Oleh kerana Umar sukar dikawal, kami jarang mengunjungi pasar raya bagi tempoh lama, begitu juga majlis perkahwinan saudara-mara. Apabila dikelilingi orang ramai, Umar mula gelisah dan memberontak sambil menangis meminta dirinya dibawa pulang ke rumah.

"Peluang disediakan Pusat Permata Kurnia kepada kanak-kanak seperti Umar dapat membantu kanak-kanak autistik dan ibu bapanya menghadapi masa depan mereka.

"Selain memastikan Umar ke sekolah, saya sendiri berhenti kerja untuk

KANAK-KANAK AUTISTIK TERBELA

■ Kaedah pembelajaran di Permata Kurnia persiap murid berdepan persekitaran bermasyarakat

PENGIKTIRAFAN buat si kecil.

